

Israk dan Mikraj Rasul (S.A.W) Dengan Roh dan Jasad

Persoalan Israk dan Mikraj Junjungan kita Muhammad (S.A.W) adalah menjadi suatu soal yang terus-menerus diperbahaskan hingga hari ini tentang adakah peristiwa itu dilakukan dengan roh sahaja, atau dengan roh dan jasad ataupun dengan mimpi. Persoalan ini timbul ialah kerana tidak ada penjelasan-penjelasan tepat daripada al-Qur’ān yang menunjukkan adakah beliau israk dan mikraj itu dengan salah satunya daripada tiga di atas kerana firman Allah hanya berbunyi:

Bismi Allāhi al-rahīmāni al-rahīm

Subhāna alladhī asrā bi ‘abdihi laylan mina al-masjidi

al-harāmi ilā al-masjidi al-aqsā alladhī bāraknā

hawlahū li nuriyahū min āyātina innahū huwa al-samī‘u al-baṣīr.

Maksudnya: Maha Suci (Allah) yang telah menjalankan hamba-Nya (Muhammad) pada suatu malam dari Masjidil Haram ke Masjid al-Aqsa yang Kami berkata kelilingnya, untuk Kami perhatikan kepadanya tanda-tanda Kami. Sesungguhnya Ialah Yang Mendengar dan Yang Melihat.

Tambahan di dalam peristiwa ini ada tiga hadith sahih yang diriwayatkan oleh Bukhārī dan Muslim menceritakan peristiwa-peristiwa tentang Israk dan Mikraj itu dan tidak ada penjelasan-penjelasan tentang bilakah Israk dan Mikraj itu berlakunya. Tetapi walau bagaimanapun bahawa ulama sepakat akan adanya Israk dan Mikraj sekalipun perkataan mikraj itu tidak tersebut di dalam al-Qur’ān.

Ulama-ulama berselisih pendapat tentang harinya – ada yang mengatakan pada malam hari Sabtu – ada yang mengatakan pada malam Jumaat dan ada pula yang mengatakan bahawa pada malam hari Isnin bahkan ada yang mengatakan selain dari hari-hari yang tersebut.

Bulannya dan haribulan terjadi Israk dan

Mikraj itu berlain-lainan pula pendapat tetapi yang lebih muktabar dan yang terbanyak dipakai ialah pada 27 Rajab. Al-Imam Nawāwī seorang ulama besar daripada mazhab Shāfi‘ī mengatakan bahawa peristiwa Israk Mikraj itu pada tahun kelima dan keenam daripada tahun kenabian dan berlakunya pada 27 Rabi‘ al-Awwal dan di dalam suatu penjelasan yang lain pula mengatakan pula berlakunya pada sepuluh tahun tiga bulan dari tahun kenabian dan berlakunya pada bulan Rajab.

Ulama-ulama ada pula berselisih pendapat tentang beberapa kali Rasulullah (S.A.W) melakukan israk dan mikraj – ada yang mengatakan dua dan ada yang mengatakan selalu bahkan ada yang mengatakan sampai 30 kali. Demikian juga masih banyak ulama dan cerdik pandai berselisih tentang:

1. Israk dan Mikraj dilakukan dengan roh serta jasad
2. Israk dan Mikraj dilakukan dengan roh sahaja
3. Israk dan Mikraj dilakukan dengan jalan mimpi.
4. Israk dan Mikraj dilakukan dengan badan halus – tidak dengan jasmani dan tidak

(Sambungannya di muka 22)